

TUTÚ NÍ CADÚHA TÉ PǼBLÚ QUIHIⁿ NDAHA ÑÁYIU ÑUÚ CÒLOSÁ

Té PǼblú cáduha-dé tutú quihiⁿ ndaha ñáyiu xñndecu ichi Xítoho Jesucrístú ndécú ñuú Còlosá

¹Yúhú té PǼblú ní tendaha ñaha Yá Ndiöxí càháⁿ-í tnúhu Xítoho Jesucrístú núú ñáyiu chi ducaⁿ cuení méé Yá Ndiöxí cunduu, te càduha-í tutú-a ndihi té Timúteú ²cuendá daquixi-í ndaha nchòhó ñáyiu ñuú Còlosá, ñáyiu cùu cuendá Yá Ndiöxí, ñáyiu quide ndáá ndécú ichi Xítoho Jesucrístú, te xicáⁿ táhù-í núú Tátá-ó Dútú Ndiöxí sá ïo na chindee chitúu ñaha-gǵ xii-ndo, te ducaⁿ ndi nduú-gǵ ná cádá te ïo váha cuu iní-ndó cùndecu-ndo.

Té PǼblú càháⁿ ndihi-dé Yá Ndiöxí cuendá ñáyiu sàndáá iní ñáhá xii Xítoho Jesucrístú

³Te ducaⁿ-ni càháⁿ ndihi-ndí Yá Ndiöxí Yaá cúu Tátá Xítoho Jesucrístú ndàcáⁿ táhù-ndí núú-gǵ cuendá nchaa nàcuáa quide-ndo ndecu-ndo, ⁴chi nihí-ndí tnúhu sá ïo sàndáá iní-ndó Xítoho Jesucrístú, te ducaⁿ ïo cùu iní-ndó nchaa ñáyiu cùu cuendá Yá Ndiöxí. ⁵Te ducaⁿ quide-ndo chi sàndáá iní-ndó sà ndúú táhù-ndó cùndecu-ndo núú ndécú Xítoho Jesucrístú, te tnúhu-áⁿ ní nihí-ndó cùtnàhá ní xíndedóho-ndo tnúhu ndáá tnúhu Xítoho Jesucrístú. ⁶Te tnúhu Xítoho Jesucrístú tá xité nuu-xi nihii ñuyú cuáháⁿ. Te vǵi ñáyiu ta sàndáá iní-yu cuáháⁿ, te ta quidé-yu mee-ni sǵ váha cuáháⁿ

ndécũ-yu ichi-gá. Te nchòhó chi ndéé cútnàhá ní tecú dóho-ndo tnũhu-gá ní quesaha-xi ta cùu vai ñáyiũ ñuú-ndó tá quide ndáá-yu núú-gă cuáháⁿ. Te dāvá-áⁿ ñi cutnùní ndáá ndisa iní-ndó sã Yã Ndiõxí ío chindee chitúu ñaha-gă xii-ndo. ⁷ Te ducaⁿ ñi dánèhé ñáhá tẽ Ěpafrás tée ío cùu iní-ndí, chi tnàhá-dé ío quide ndáá-dé xínú cuèchi-dé núú Xìtohó Jesucrìstú quidé-dẽ núú-ndí dácuaaha ñaha-dé xii-ndo tnũhu-gă. ⁸ Te cächí tnúhu-dé xii-ndí sá ío cùu iní ñáhá-ndó xii-ndí, te ducaⁿ quide-ndo chi Espiritú Yã Ndiõxí chindèe ñaha-xi xii-ndo.

⁹ Te ndéé cútnàhá ní níhí-ndí tnúhu nàcuáa quide-ndo ndecu-ndo ndéé dāvá-áⁿ ñi ngúíta-ndí ñá túú dàña ndee-ndí xicáⁿ táhú-ndí núú Yã Ndiõxí cuendá-ndó sã Espiritú-gă ná tàxi-xi nchaa-gă sá cùmání quini tnùní-ndó, te ducaⁿ te cutnùní váha-gă iní-ndó nàcuáa cuini Yã Ndiõxí cada-ndo.

¹⁰ Te sá dúcáⁿ te ndacu-ndo càda-ndo mee-ni sá vãha dàtná cuini Xìtohó Jesucrìstú cada nchaa ñáyiũ ndècu ichi-gă. Te ducaⁿ ío nduu vétú iní-gă te núu na càda-ndo nchaa núú sã vãha. Te ducaⁿ ío-gă cuita cutnùní iní-ndó nchàa nàcuáa cuini Yã Ndiõxí cada-ndo. ¹¹ Te mee-gă cúú-gă Yáá ío cùnuu, te ñu-gă ío chindee ñaha-gă xii-ndo, te cudí iní-ndó cuèi nándi na càda ñaha ñáyiũ xii-ndo sã cuendá-gă, te ducaⁿ ío cunduu càhnu iní-ndó. ¹² Te ndacáⁿ táhú-ó núú Dütú Ndiõxí chi ní quide túha ñaha-gă xii-o cuendá nduu táhú-ó cùndecu-o ndihi nchaa dāva-gă ñáyiũ yìndaha-gă xìndecu núú cándòo cā-nine ñá túú tnàhí-gă ñi ñiⁿ cuèchi íó. ¹³ Te ñu-gă ní quide ní dáñá-ó nchàa ichi cuehé ichi duha núú táxí tnùní yucu ñāvãha, te ní nachihi ñaha-gă xii-o

ndàha Déhe-gá Yaá ío cùu iní-gá. ¹⁴ Te Déhe-gá ní xíhí-gá cuendá sá nchóó cǎcu nìhnu-o nǔú ùhú nùú ndàhú, te ní quide cǎhnu iní-gá nchaa sá cuèhé sá dúhá nǐ quide-o.

Ñǎyiu cùu ìⁿnuu ndihí Yá Ndiǒxí cuendá sá nǐ xíhí Xítóhó Jesucristú

¹⁵ Te Yá Ndiǒxí cúu-gǎ Yaá vá cúu quèní-ó dico Xítóhó Jesucristú chi ní quixi túu-gá ñuyíú-a, te ní quide-gá nchaa nǎcuáa sǎni iní-gá. Te dàtná-ni sǎni iní-gá te ducaⁿ sǎni iní Yá Ndiǒxí, te Yaá-áⁿ ducaⁿ-ni ndècu-gá ndéé cútnàhá vátá ngǎva-gá ñuyíú. ¹⁶ Te Xítóhó Jesucristú ní quide-gá nùú Yá Ndiǒxí ní cadúha-gá nchaa sá ío andiu ndihí nchaa sá ío ñuyíú-a, te ní cadúha-gá nchaa sá cúu quèní nùú-ó cùndehe-o, ndihí nchaa sá vǎ quèní tnǎhí-o, ndihí nchaa espíritú cúnùu vihi xínu cuechi nùú Yá Ndiǒxí, ndihí nchaa dava-gá espíritú xínu cuèchi. Te nchaa ní cadúha Xítóhó Jesucristú chi ducaⁿ nǐ cachí Yá Ndiǒxí cunduu. Te ducaⁿ nǐ cachí Yá Ndiǒxí cunduu cuendá nchaa cuu-xi mee-ni sá vǎha sá cúu-xi Xítóhó Jesucristú. ¹⁷ Te Xítóhó Jesucristú ducaⁿ-ni ndècu-gá ndéé cútnàhá vátá ngǎva-gá ñuyíú-a, te diu nùú ndáhá-gǎ cándòdo ñuyíú-a, ndihí andiu, ndihí nchaandi túhú sá ío. ¹⁸ Te diu Xítóhó Jesucristú cúnùu-gá yíndàha ñaha-gá xii nchaa nchoo ñǎyiu ndècu ichi-gá, te diu-gá quidé-gǎ ndécú vǎha-o nǔú-gǎ. Te nùú ncháá ñǎyiu ndoto diu-gá cúu-gǎ Yaá ío cǎhnu cuu sa ní ndoto, te sá dúcáⁿ nǐ ndoto-gá te xǎⁿ cúu-gǎ Yaá ío tàxi tnuní nchaandi túhú sá ío ñuyíú-a ndihí andiu. ¹⁹ Te ducaⁿ ío cúnùu-gá táxi tnùní-gá chi ndáá sá ìⁿ-ni cuu-gá ndihí Yá Ndiǒxí. ²⁰ Te Xítóhó

Jesucrìstú ní xíhí-gá núú cùrúxí, chi ducaⁿ nǐ cuiní Yá Ndiǒxí cunduu cuèndá sá vǎ yǒo ìⁿ-gá cuu úhú iní ñáhá xìi-gá cuèi ñáyiú xǐndecu ñuyíú-a, te cuèi cue espíritú ndécú àndiú.

²¹ Te nchòhó cútnàhá vátá cùndècu-gá-ndó ìchi Xítóhó Jesucrìstú ñá túú tnàhí nǐ xǒo cáháⁿ ndìhi-ndo-gǎ, chi mee-ni nǐ xóo cuu úhú iní-ndó-gǎ, te mee-ni nchàa sá cuèhé sá dúhá nǐ xóo cunuu nǐ xóo cada-ndo ni cùu, dico Xítóhó Jesucrìstú ní quide-gá ní tnahá tnúhu-ndo ndìhi Yá Ndiǒxí vitna. ²² Chi ñiú cuèndá-áⁿ nǐ xíhí Xítóhó Jesucrìstú núú cùrúxí cuèndá sá nchóó ndùu ndoo nduu nine iní-ó ngǔndecu-o núú Yá Ndiǒxí, te ducaⁿ te ñá túú tnàhí-gá ná cumání-ó núú-gǎ, te vǎ yǒo ìⁿ-gá cachí sá nchóó ndècu cuéchi-o. ²³ Te núu vǎ dáñá ndéè-ndó quǐndáá iní-ndó Xítóhó Jesucrìstú, te cundecu-ni-ndo ìchi-gá, te vǎ cání iní-ndó dàña-ndo tnúhu ndee iní ní taxi-gá ndécú ndìhi-o. Te nchaa tnúhu-gá-áⁿ tá xíté nuu-xi nǐhì ñuyíú cuǎháⁿ, te ñiú-ni tnúhu-áⁿ càháⁿ yúhú té Pǎblú dánèhé-í ñáyiú.

Té Pǎblú yíhí ñíquí-dě cáháⁿ-dé tnúhu Xítóhó Jesucrìstú núú ñáyiú ndècu ichi-gá

²⁴ Te vitna ío cùdíí ìní-í ndóhò-í cuèndá-ndó, chi Xítóhó Jesucrìstú ío ní ndoho-gá cuèndá-ó, te tnàhá yúhú ndóhò-í cuèndá nchaa ñáyiú ndècu ichi-gá, dico vitna cùmání-gǎ ndoho-í cuèndá-yu. ²⁵ Te Yá Ndiǒxí ní cachí-gá sá yǔhú quíhí díquí ñáhà-í xii nchaa nchòhó ñáyiú ndècu ichi-gá cuèndá danèhé ñáhá vǎha-í xii-ndo tnúhu-gá cuèndá cuu-xi sá vǎha sá cúú-xi-ndó. ²⁶ Te nchaa tnúhu sá dánèhé ñáhà-í xii-ndo ñá túú ní tècú dóho nchaa ñáyiú

ní xíndecu ndéé sanaha, te mee-gă ní cuiní-gá sá ncháá nchòo ñáyiú yíndaha-gá vitna cundecu ndihí-o tnúhu-áⁿ. ²⁷ Te mee-gă ní cachí-gá sá dátũu-gá nchaa tnúhu sá ïo vii ío váha cuáháⁿ núú ncháa ñáyiú yíndaha-gá. Te tnúhu-áⁿ cúú-xí cuendá tnàhá nchaa nchòhó ñáyiú ñá túú cùu ñáyiú isràél. Te tnúhu-áⁿ dánèhé ñáhá-xí xii-ndo sá Xítóhó Jesucristú ndécú ndihí ñaha-gá xii-ndo. Te cuendá xíáⁿ ní ngúndecu ndihí-ndo tnúhu ndee ìní cundecu-ndo ndihí-gá nì caa nì quíhíⁿ.

²⁸ Te nchúhú mee-ni cuendá Xítóhó Jesucristú càháⁿ váha-ndí, te dàsahú-ndí ñáyiú nàcuáa cadá-yu. Te váha vîhi danehé-ndí nchaa ñáyiú nàcuáa tecú tnùnî-yu tnúhu-gá, te ducaⁿ dānehé-ndí-yu nàcuáa cundáá-yu núú Yă Ndiõxí, te ducaⁿ chi tnàhá tnúhu-yu ndihí Xítóhó Jesucristú. ²⁹ Te cuendá xíáⁿ ío ndùcu ndee-í quidè-í chîuⁿ Xítóhó Jesucristú, te mee-gă ío chîndee ñaha-gá xii-í nũu xíáⁿ ndácù-í quidè-í chîuⁿ-gá.

2

¹ Te cuiní-í sá nchòhó cutnùnî ìní-ndó sã ïo sàni ìní-í cuendá-ndó, ndihí cuendá nchaa ñáyiú ndècu ñuú Laodiceá, ñáyiú xíndecu ichi Xítóhó Jesucristú. Te ducaⁿ-ni ïo sàni ìní-í cuendá nchaa ñáyiú vátá quínî ñáhá-gă xii-í. ² Te cuiní-í sá nchòhó ndihí nchaa ñáyiú-áⁿ ïo nducu ndèe-ndo canchicúⁿ nihnu-ndo ichi Xítóhó Jesucristú, te ío cuu ìní tnàhá-ndó, te ducaⁿ cùu ñíⁿnuu-ndo cundecu-ndo. Te cuiní-í sá nchòhó ndihí dava-gá ñáyiú-áⁿ ïo váha sáá sá xínî tnùnî-ndó cuendá tecú

tnùnì-ndó nchàa nacuáa ndùu cuendá Xítóhó Jesucristú chi ío ndùu yuhu ni cuu, dico vitna ní dátũu-gá núú-ó. ³ Te Xítóhó Jesucristú néhé vǎha-gá nchaa tnúhu sá ïo xini ñuhu-xi tecú tnùnì-ó. ⁴ Te duha càháⁿ-í chi cuìnì-í sá vǎ quindáá iní-ndó nì ñⁿ tnúhu càháⁿ nchaa ñáyiu cuìnì dandàhú ñáhá xì-ndo cuéi ío váha càháⁿ-yu. ⁵ Te cuéi ñǎ túú ndècu ndihì ñaha-í xii-ndo dico ducaⁿ-ni ïo ñuhu iní ñáhà-í, te ío cùdǎ ìní-í chi ñihí-í tnúhu sá ïo cùu ñⁿnuu-ndo ndecu-ndo, te ñǎ túú dàña ndeé-ndó sàndáá iní-ndó Xítóhó Jesucristú.

⁶ Te dàtná-ni ní sàndáá iní-ndó Xítóhó Jesucristú, te ducaⁿ-ni quindáá iní-ndó-gǎ canchicúⁿ nihnu-ndo ìchi-gǎ. ⁷ Te nì yùhu nì iní-ndó cànchicúⁿ nihnu-ndo ìchi-gǎ, te ducaⁿ cuíta cutnunì-gǎ iní-ndó nchàa nacuáa càháⁿ-gǎ quíhìⁿ. Te vá dáña ndeé tnàhì-ndo quindáá iní-ndó nchàa tnúhu sá nǐ dánèhé ñáhá cuè téé càháⁿ tnúhu-gǎ xii-ndo. Te xini ñuhu-xi ndacáⁿ táhú vǐhi-ndo núú Yǎ Ndiǒxí cuendá nchaa tnúhu-áⁿ.

Ñáyiu ío váha tnàhá tnúhu ndihì Xítóhó Jesucristú

⁸ Te ío quíhì iní-ndó cùndecu-ndo chi xìca cuu ñáyiu cuìnì dandàhú ñáhá xì-ndo, te ñáyiu-áⁿ càháⁿ-yu mee-ni nchàa tnúhu ní cahu iní nchaa cue téé ñuyíú-a, te nchaa tnúhu-áⁿ ñǎ túú vǎdana nàndíhì-xi. Te ducaⁿ quidé-yu chi nchìcúⁿ nihnu-ní-yu nchaa nàcuáa ní xóo cada ñáyiu ní xíndecu ndeé sanaha. Te càháⁿ-yu nàcuáa sàni iní yucu ñǎvǎha, te ñǎ túú càháⁿ-yu nàcuáa cuìnì méé Xítóhó Jesucristú.

⁹ Te Xítóhó Jesucristú cúú-gǎ ñⁿ ñáyiu dico ñⁿ-ni cùu-gǎ ndihì Dútú Ndiǒxí. ¹⁰ Te nchòhó chi ñǎ

túú tnàhí-gá ná cúmăní-ndó nűú-gă chi ndècu ndihî-ndo Xítóhó Jesucrîstú. Te ío cùnuu-gá te tàxi tnuní-gá nchaa núú cuè espíritú cúnùu. ¹¹ Te mee-gă ní ndada ndoo ní ndada nine-gá iní-ndó chi ní ngúndecu ndihî-ndo-gă te ducaⁿ ñà túú-gă ndécú-ndó ìchi cuehé ichi duha, te cada iní-ndó sã nĩ ngúndecu ndihî-ndo ìⁿ seăă, chi ní ndada ndoo ní ndada nine-gá iní-ndó, dico ñă díú ìⁿ-ni cuu-xi ndihî seăă sã sãha cue téé isrâél ñî-güedé. ¹² Te nchòhó sa ní sandute-ndo te cada iní-ndó sã dàtná tnúhu sã nĩ xíhí-ndó ndihî Xítóhó Jesucrîstú, te ní nguîndüxi-ndo ndihî-gă, te ní ndoto-ndo ndihî-gă, te ducaⁿ càda iní-ndó chi ñă túú-gă ndécú-ndó ìchi cuehé ichi duha. Te ducaⁿ chi sàndáá iní-ndó nchàa nacuáa quide Yá Ndiöxí, te diu-gă ní dándótó-gă Xítóhó Jesucrîstú. ¹³ Te nchòhó cùtnàhá ndécú-ndó ìchi cuehé ichi duha cùu-ndo datná ñáyiu ní xíhí, chi ñă túú tnàhá tnúhu-ndo ndihî Yá Ndiöxí ní cùu, te ni ñă díú ñáyiu isrâél cúú-ndó. Te Yá Ndiöxí ní cachí-gă sã nchóó ìo váha tnahá tnúhu-o ndihî Xítóhó Jesucrîstú vitna. Te ducaⁿ nĩ quide-gă chi sa ní quide càhnu iní-gă nchaa sã cuèhé sã dúhá nĩ xóo cada-o. ¹⁴ Te vitna duuⁿ duuⁿ ñă túú-gă cuéchi-o ndècu núú-gă. Te nchoo ñă túú cuîní-ó càda-o nacuáa càháⁿ-gă, te cuèndá xíăⁿ ío ndècuéchi-o, te vâi nacháhu-o nűú-gă ní cùu. Te vitna ñă túú-gă ni ìⁿ cuéchi-o ndècu núú-gă, chi diu cuèndá-áⁿ nĩ xíhí Xítóhó Jesucrîstú núú cùrúxí. ¹⁵ Te sã dúcáⁿ nĩ xíhí Xítóhó Jesucrîstú núú cùrúxí, te duuⁿ duuⁿ ní dáquéé tĩhú-gă sácúíhná ndihî nchaa espíritú cúndihî-xi, te ní quendóo canúú-xi, te mee-gă ío

cùnuu-gá táxí tnùnì-gá.

Nanducu nihnu-o mee-ni sá vǎha cǎchí Xítóhó Jesucristú

¹⁶ Te núu dava ñáyi xǐcuèhé ñáhǎ-yu xii-ndo cuendá sá ñà túú xèxi-ndo xìhi-ndo datná quidé mèe-yu te vá cádá cuendá-ndó, te ni vǎ cádá cuendá-ndó te núu xǐcuèhé ñáhǎ-yu xii-ndo cuendá sá ñà túú cǎnehe íí-ndó vico quide meé-yu núú cuía núú cuía, ndihi vico quidé-yu ndi tnahá yóó, ndihi cuendá sá ñà túú cǎnehe íí-ndó ndùu ndetatú-yu.

¹⁷ Te nàcuáa quidé-yu ndi tnahá òré quidé-yu nchaa vico-án, ndihi nàcuáa quidé-yu ndi tnahá nchaa nduu cǎnehe íi-yu-án, te cada iní-ó sǎ sá quidé-yu-án dánèhé núú ñáhǎ-xí nàcuáa cada Xítóhó Jesucristú núú cuáhán núú vǎxi. ¹⁸ Te vá quíndáá iní-ndó nì ìn tnúhu cǎhán ñáyi cǎchí sá cuíta nihnu-ndo cuendá sá ñǎ túú tnèi-ndo tnúhu cǎhán-yu, chi cǎchí-yu sá ïo xini ñuhu-xi cada cahnu-o nchaa cue espíritú xínú cuèchi núú Yǎ Ndiǒxí, te ni yùhu nì iní-ó cǎnehe-o sá yíñùhu núú-xi. Te ñáyi-án cǎchí-yu sá ndàá cǎhán-yu chi dàcoto ñaha saní-yu nàcuáa cǎhán-yu, te ío quide cahnú-yu mèe-yu cuendá nchaa sá sání iní mée-yu quidé-yu, te ñǎ túú vǎdana nàndíhi nchaa sá quidé-yu. ¹⁹ Te nchaa ñáyi ducaⁿ xǐquide-án ñà túú tnahá tnúhu-yu ndihi Xítóhó Jesucristú. Te mee-gǎ cúú-gǎ Yaá cúnùu taxi tnuní ñáhǎ-gǎ xii nchaa nchoo ñáyi ndècu ichi-gá, te chindee ñaha-gá xii-o ndècu-o ichi-gá, te mee-gǎ quidé-gǎ cúú ìn nuu-o ndecu-o, te ta quide-o nchaa nacuáa cuení Yǎ Ndiǒxí cuáhán.

²⁰ Te nchòhó cúú-ndó dàtná ñáyi ní xíhí ndihi Xítóhó Jesucristú cuendá sá vǎ cǎnchícún

nihnu-gá-ndó nàcuáa càháⁿ ñáiyu ñá túú ndècu ichi-gá. Te núu ducaⁿ ña, ¿te ná cuendá tníí-ní-ndó tnúhu càháⁿ ñáiyu-áⁿ te quíde-ni-ndo datná quídě-yu? ²¹ Chi ñáiyu-áⁿ càchí-yu sá íó sá ní vǎ cúú tèe ndaha-o, te dava ní vǎ cúú càxi-o, te dava ní vǎ cúú tníí-o. ²² Te nchaa xǎⁿ, núú néhé chiúⁿ-ni-o ndíhi nihnu-xi. Te nchaa sá dúcáⁿ càháⁿ-yu-áⁿ cúú-xí mée-ni sá ní cahu iní mée nchaa ñáiyu ñuyíú-a nàcuáa cadá-yu cundecú-yu. ²³ Te nchaa tnúhu càháⁿ-yu-áⁿ sánúu sá cúú-xí ííⁿ tnúhu càháⁿ ííⁿ téé ío váha sàa díquí-xi, chi càchí-yu sá cadá càhnu-o Yá Ndiǒxí nàcuáa véxi iní mée-ó, te cunduu ndàhú iní-ó dico ñá túú dànehé ñáhǎ-yu nàcuáa tàú-xi cunduu. Te càchí tucú-yu sá cadá ũhú-ó mée-o, chi ducaⁿ cuíní Yá Ndiǒxí cada-o càchí-yu. Te nchaa xǎⁿ ñá túú vǎdana chindee ñaha-xi xii-o cuendá sá vǎ táxí tnúú ñáhǎ ní ííⁿ sá cuéhé sá dúhá sàni iní-ó.

3

¹ Te nchòhó cada iní-ndó sǎ ní xíhí-ndó ndíhi Xítóhó Jesucristú te ní ndoto-ndo ndíhi-gá, núu xǎⁿ tàú-ndó càda-ndo nchaa sá vǎha dàtná cuíní mée-gǎ chi mee-gǎ núcǎo-gǎ xio cùha Dútú Ndiǒxí chi tnàhá-gǎ ío cùnuu-gǎ. ² Te ío cuhuⁿ iní-ndó nchaa sá vǎha càchí Xítóhó Jesucristú nduu táhú-ndó cundecu ndíhi-ndo, te vǎ cúhúⁿ iní-ndó mée-ni nchaa sá íó ñuyíú-a. ³ Te ducaⁿ càda-ndo chi cùu-ndo datná ñáiyu ní xíhí ndíhi Xítóhó Jesucristú, chi ñá túú-gǎ ndécú-ndó ìchi cuehé ichi duha. Te Yá Ndiǒxí néhé cuendá ñáhǎ-gǎ xii-ndo chi tnàhá tnúhu-ndo ndíhi Xítóhó Jesucristú. ⁴ Te Xítóhó Jesucristú cúú-gǎ Yaá ndécú ndíhi ñaha xii-o vitna,

te sáá nduu quèe túu ndihi ñaha-gă xii-o àndiu, te tnàhá-ó ío cunuu-o ndihi-gá.

Duuⁿ duuⁿ dañ-a-o nchàa sá cuèhé sá dúhá ñùhu iní-ó te cada-o mèe-ni sá vǎha

⁵ Te duuⁿ duuⁿ dañ-a-ndo nchàa sá cuèhé sá dúhá ñùhu iní-ndó. Te nchaa nchòhó cue téé vǎ càháⁿ ndihi-ndo ñáyiú dǐhí te núu ñǎ díú ñàdǐhí-ndó cùú-yu, te ducaⁿ-ni nchàa nchohó cue ñáyiú dǐhí tucu vǎ càháⁿ ndihi-ndo cuè téé te núu ñǎ díú yì-ndo cuu-güedé, te nchaa-ndo vǎ cání-gǎ iní-ndó càda-ndo ni ìⁿ sá cuèhé sá dúhá ndihi tnaha ñáyiú-ndo. Te vǎ cání cuèhé cani duha-gǎ iní-ndó sǎ cúú-xí-ndó ndihí-yu, te vǎ cání-gǎ iní-ndó ni ìⁿ sá cuèhé sá dúhá, te ni vǎ xíhó-ndó ìⁿ sá ndécú ndihi tnaha ñáyiú-ndo, chi núu ducaⁿ na càda-ndo xiho-ndo sá ndécú ndihí-yu te ìⁿ-ni cùu-ndo ndihi ñáyiú chǐñuhu nchaa sá cǎchí-yu cùu ndióxí te ñǎ ndáá sá ndiǒxí cúú nchàa xǎⁿ. ⁶ Te nchaa ñáyiú ducaⁿ xǐquide ío dandòho ñaha Yá Ndiǒxí xǐ-yu na sáá nduu tnúndòho tnúhu ndàhú, chi ñǎ túú sàndáá iní ñáhǎ-yu xii-gǎ. ⁷ Te nchòhó cútnàhá ní xíndecu-ndo ìchi cuehé ìchi duha, te tnàhá-ndó ní xóo cada-ndo dàtná quidé nchàa ñáyiú-áⁿ. ⁸ Te vitna duuⁿ duuⁿ dañ-a-ndo nchàa sá ná cǎchí tnúhu-í-a: Vǎ cúděén-gǎ-ndó, te ni vǎ cúndùu líhli-gǎ iní-ndó, te ni vǎ cúú ùhú-gǎ iní-ndó tnàha ñáyiú-ndo, te ni vǎ cǔcuèhé-gǎ-ndó-yu, te ni ìⁿ-gǎ tnúhu cuèhé vǎ càháⁿ-ndó. ⁹ Te ni vǎ dácuàndehnde-gǎ-ndó, chi nchòhó sa ní dáñǎ-ndó nchàa ìchi cuehé ìchi duha, te ñǎ túú-gǎ sání cuèhé sání dùha iní-ndó ñǎ cada-ndo vitna datná ní xóo cada-ndo. ¹⁰ Te vitna nchòhó ní nduu-ndo

ñáyiú váha, te uuⁿ-gá tá cùtnuní iní-ndó nchàa nacuáa cuíní Yá Ndiõxí cada-ndo, te ducaⁿ ta ndùcu ndee-ndo quide-ndo mee-ni sá vâha dàtná quidé mèe-gá. ¹¹ Te vitna ní ngúndecu ndihí-ndo Xítohó Jesucristú, te vá cáda cuendá-gá-ndó nũu cùu-ndo ñáyiú isràél àdi ñá túú cùu-ndo, te ni vâ cáda cuendá-ndó nũu cùu-ndo ñáyiú ní ngúndecu sèñá ñi-xi àdi ñáhá, te ni vâ cáda cuendá-ndó nũu cùu-ndo ñáyiú véxi ñuú xíca, te ni vâ cáda cuendá-ndó nũu cùu-ndo ñáyiú cùu neñuú, te ni vâ cáda cuendá-ndó nũu cùu-ndo ñáyiú ñá túú tnàhí dàñá quee núú chíúⁿ pàtróóⁿ-xi, te ni vâ cáda cuendá-ndó nũu cùu-ndo ñáyiú dàñá quéé núú chíúⁿ pàtróóⁿ-xi, chi Xítohó Jesucristú cùnũu-gá ndécú ndihí ñaha-gá xii-o nchàa-o.

¹² Te Yá Ndiõxí ní dáquéé dîⁿ ñaha-gá xii-ndo cuendá cundecu-ndo ndihí-gá, te vitna cùu-ndo ñáyiú quide ndáá ndécú ìchi-gá. Te mee-gã ío cùu iní ñáhá-gã xii-ndo nũu xíáⁿ tàú-ndó cùndahú iní tnáhá-ndó, te ío váha cuu iní-ndó chindee tnaha-ndo, te cuu-ndo ñáyiú ndàhú iní-xi, te ío vii ío váha cuu iní-ndó cùndecu ndihí tnaha-ndo, te ío càhnu cunduu iní-ndó cuendá nchaa sá quidé ñàha ñáyiú xii-ndo. ¹³ Te ducaⁿ cànehe-ndo tnúhu càhnu iní núú ndi mèe-ndo nacuáa ndècu-ndo ichi-gá, te cada càhnu tucu iní-ndó nũu ná cúú sã cúmăní núú tnáhá-ndó. Te dàtná ní quide càhnu iní Xítohó Jesucristú nchaa sá ñá túú vâha ní xóo cada-ndo ducaⁿ càda-ndo cada cahnu iní-ndó nchàa sá cúmăní núú tnáhá-ndó ndècu-ndo. ¹⁴ Te xini ñuhu vihi-xi sá ío cuu iní tnáhá-ndó cùndecu-ndo, chi núú ducaⁿ na càda-ndo, te quide-ndo nchaa dava-gá sá càháⁿ-í, te ñá túú tnàhí-gá ná cúmăní-ndó.

15 Te dañá-ndo sǎ Yǎ Ndiǒxí ná chindee ñaha-gá nàcuáa ío váha cuu iní-ndó cùndecu-ndo, chi diu cuendá-án nǐ cáháⁿ ñáhá Yǎ Ndiǒxí xii-ndo cuendá cuu ñⁿnuu-ndo ndìhi nchaa dava-gá ñáyi ndècu ichi-gá, te ducaⁿ-ni ño ndacáⁿ táhú-ndó núú-gǎ.

16 Te ío cuhuⁿ iní-ndó tnǎhu Xítóhó Jesucristú, te ío váha cuáha-ndo cuendá nàcuáa càháⁿ tnúhu-gá te ducaⁿ dànehé tnáhá-ndó. Te ío cáháⁿ dóho tnàha-ndo nacuáa cada-ndo càncichúⁿ nihnu-ndo càda-ndo nchaa nacuáa càháⁿ tnúhu-gá, te cata-ndo ndùdú ndéé núú tùtú Yǎ Ndiǒxí, ndìhi nchaa dava-gá ndudú sá xíní méé-ndó xita-ndo te nchaa xǎⁿ cata-ndo chĩñuhu-ndo Yá Ndiǒxí. Te òré xítá-ndó te nǐ yùhu nǐ iní-ndó ndàcáⁿ táhú-ndó núú-gǎ. 17 Te cuhuⁿ iní-ndó Xítóhó Jesucristú òré sání iní-ndó càda-ndo ñⁿ chiuⁿ àdi ná tnúhu cuiní-ndó càháⁿ-ndó, te diu-ni-gá cuhuⁿ iní-ndó. Te xini ñuhu-xi ndacáⁿ táhú-ndó núú Yǎ Ndiǒxí, te diu-ni Xítóhó Jesucristú chindee ñaha-gá xii-ndo ndàcáⁿ táhú-ndó núú Tǎtá-ó Dǔtú Ndiǒxí.

Nàcuáa tàù ñáyi ndècu ichi Xítóhó Jesucristú cadá-yu sá cúú-xí ndǐ meé-yu

18 Te nchaa nchòhó ñáyi dǐhí ñáyi ndècu yǐ-xi quindáá iní-ndó yǐ-ndo, chi ducaⁿ tàù-xi cada nchaa ñáyi dǐhí ndécú ichi Xítóhó Jesucristú. 19 Te nchaa nchòhó cue téé ndècu ñadihí-xi cuu iní-ndó ñadihí-ndó, te vá cǔcuèhé-ndǔ-yu. 20 Te nchaa nchòhó ñáyi ndècu tátá-xi ndìhi nǎná-xi quindáá iní-ndǔ-yu, chi núu ducaⁿ na càda-ndo te ndùu vétú iní Yǎ Ndiǒxí. 21 Te nchaa nchòhó ñáyi cùu tátá ndìhi nǎná vá dásátú-ndó iní cue déhe-ndo, chi núu ducaⁿ na càda-ndo te nǐ vǎ quíxí-gǎ iní-güexi cada-güexi sá vǎha. 22 Te nchaa nchòhó

ñáyi u xinu cuechi quindáá iní-ndó nchàa ñáyi u cùu patróoⁿ-ndó, te ni yùhu ni iní-ndó càda-ndo nchaa chiuⁿ tahú-yu cuèi òré ndécũ-yu àdi oré ñá túũ-yu, te ñá díú òré-ni ndèhé-yu cada-ndo cuendá-ni sá cuení-ndó cùdiu-ndo núũ-yu, chi cada-ndo sã néhé-ndó sà yíñùhu núú Xĩtohó Jesucristú. ²³ Te nchaa chi uⁿ sani iní-ndó càda-ndo te cada-ndo ni yuhu ni iní-ndó, te sá dúcáⁿ càda-ndo-áⁿ te cada-ndo cuendá sá xínú cuèchi-ndo núú Xĩtohó Jesucristú te ñá díú núú ñáyi u ñuyíu-a xinu cuechi-ndo. ²⁴ Te nchòhó sa nàha-ndo sá Xĩtohó Jesucristú taxi-gá sá ndúú táhú-ndó te núu ducaⁿ na càda-ndo, chi cùu-ndo ñáyi u xinu cuechi núú-gã. ²⁵ Te nchaa ñáyi u quide nchaa sá cuèhé sá dúhá nàcháhu-yu núú Yã Ndiõxí cuendá nchaa sá quidẽ-yu, te mee-gã vá cáda cuendá-gá cuèi ná ñáyi u cùu-yu, chi ncháa-yu nacháhu-yu nchaa sá ñá túú vãha quidé-yu núú-gã.

4

¹ Te nchaa nchòhó ñáyi u cùu patróoⁿ cuu-ndo ñáyi u váha, te cada-ndo nchàa nacuáa tàú-xi cundu ndihí nchaa ñáyi u xinu cuechi núú-ndó, te cunaha-ndo sã àndiu ndecu Yaá cúú Xĩtohó-ndó taxi tnuñí ñáhá-gã xii-ndo.

² Te nchaa nchòhó ñáyi u ndècu ichi Xĩtohó Jesucristú, vá dáñá ndèé-ndó cáháⁿ ndihí-ndo Yã Ndiõxí, te ío cuhuⁿ iní-ndó-gã òré cáháⁿ ndihí-ndo-gã, te òré-áⁿ ío ndacáⁿ táhú-ndó núú-gã.

³ Te cácaⁿ táhú-ndó tnàhá cuendá-ndí núú-gã cuendá sá díú-gã ná cáda te ndacu-ndí cáháⁿ-ndí tnúhu-gá núú nchàa dava-gá ñáyi u, te ducaⁿ

cáháⁿ-ndí tnúhu Xítoho Jesucrístú sá ñă túú ní xíndecu ndihi nchaa ñáyiú ní xíndecu ndéé sanaha, te diu cuendá tnúhu-áⁿ yíhí-í vecaá vitna. ⁴ Te cáháⁿ ndihi-ndo Yă Ndiôxí cuendá cáháⁿ-í nàcuáa tàú-xi cunduu te tecú tnùní-yu.

⁵ Te cada-ndo nchaa nacuáa tàú-xi cunduu sá cúú-xí nchaa ñáyiú ñă túú ndècu ichi-gá, te ducaⁿ-ni ïo nducu ndèe-ndo cada-ndo nchaa nacuáa tàú-xi cunduu. ⁶ Te cada cuendá-ndó sã ïo vii ïo váha cunduu tnúhu cáháⁿ ndihi-ndô-yu, te cáháⁿ-ndó ñⁿ tnúhu nàcuáa cuu váha iní-yu, te ïo váha cundehe-ndo nàcuáa cunduu tnúhu cúñaha-ndo xì ñⁿ ñⁿ-yu.

Tnúhu ndéé núú nĩ ndihi-ná

⁷ Te té Tiquicú téé ïo cùu iní-ó ndècu ndihi-o ichi Xítoho Jesucrístú, téé-áⁿ cachí tnúhu-dé nchaa nàcuáa cùu ndecu-í. Te tnàhá-dé xínú cuèchi-dé núú Xítoho Jesucrístú te ïo váha quidé ndáá-dé.

⁸ Te tendaha-í-dé quixi-dé cachí tnúhu-dé nchaa nàcuáa cùu ndecu-ndí iha, te taxi-dé tnúhu ndee iní cundecu ndihi-ndo. ⁹ Te tnàhá tucu té Ònésimú téé ïo cùu iní-ó ndècu ndihi-o ichi Xítoho Jesucrístú quixi ndihi-dé, te diu-ni téé ñuú-ndó cùu-dé te tnàhá-dé ïo váha quidé ndáá-dé. Te ndi nduú-güedé cachí tnúhu-güedé nchaa nàcuáa cùu iha.

¹⁰ Te té Arístarcú téé yíhi ndihi-í vecaá quidé ndèe iní ñáhá-dě xii-ndo ndihi té Măcú ñanı prímú tẽ Bée. Te sa nàha-ndo nchaa nacuáa ní cáháⁿ-í cada-ndo quèheⁿ cuendá-ndó tẽ Măcú, te núu na quixi-dé quixi coto ñaha-dě xii-ndo, te ïo váha cuu iní-ndó quèheⁿ cuendá-ndó-dě. ¹¹ Te tnàhá téé nani Jesús, àdi Bustú chi úú diu-dé, quidé ndèe

iní ñáhá-dě xii-ndo. Te cue té-a cùu-güedé cue téé isràél ní chitnahá ñáhá-güedě xii-í càháⁿ-ndí núú ñáyiú nàcuáa ndíhu ndaha ñàha Yá Ndiöxí xii-yu, te ni ñⁿ-gá ñáyiú isràél ñá túú quíde datná quíde-güedě. Te ío váha tàxi-güedé tnúhu ndee iní xii-í. ¹² Te tnàhá téé ñuú-ndó tē Ēpafrás quíde ndèe iní ñáhá-dě xii-ndo, te cùu-dé tnàhá-dé téé xínu cuechi núú Xítohó Jesucrístú. Te ducaⁿ-ni nì yuhu nì iní-dé xicáⁿ táhú-dě núú Yá Ndiöxí cuendá-ndó cuendá sá cànchicúⁿ nihnu-ni-ndo ìchi-gá, te ducaⁿ te ío váha tecú tnùnì-ndó nchàa nacuáa cuìnì Yá Ndiöxí cada-ndo, te diu-ni ducaⁿ cànchicúⁿ nihnu-ndo càda-ndo. ¹³ Te yúhú cànchí tnúhu ndáá-í xii-ndo sã sùúnì sàni iní-dé sá méé-ní sã vâha cuu xii-ndo cùndecu-ndo ndíhi nchaa ñáyiú xíndecu ichi Xítohó Jesucrístú ndécú ñuú Laodiceá, ndíhi nchaa ñáyiú xíndecu tucu ichi-gá ndécú ñuú Hièrápolís. ¹⁴ Te tnàhá té Lùcá téé xínì nchaa núú yücú sã quíde tâtna quíde ndee iní ñáhá-dě xii-ndo téé ío cùu iní-ó, te tnàhá tucu té Dēmás quíde ndèe iní ñáhá-dě xii-ndo.

¹⁵ Te cúñaha-ndo na càda ndee iní nchaa ñáyiú ndècu ndíhi-o ichi Xítohó Jesucrístú ndécú ñuú Laodiceá, ndíhi tá Mínfás, ndíhi nchaa ñáyiú ndècu ichi-gá tàcá vehe-xi dàcuahá-yu tnúhu-gá. ¹⁶ Te tutú cádũha-í-a tendaha-í quixi ndaha-ndo, te òré ná ndíhí dàcuaha-ndo te tendaha-ndo quíhíⁿ ndaha ñáyiú xíndecu ichi-gá ndécú ñuú Laodiceá cuendá dacuahá-yu tnàhá-yu. Te diu-ni ducaⁿ dàcuaha-ndo tutú tendaha-í quíhíⁿ ndaha ñáyiú ñuú Laodiceá òré ná dándixí-yu ndaha-ndo. ¹⁷ Te na cànchí tnúhu-í xii-ndo nàcuáa cúñaha-ndo xì té Àrquipú, te duha

cúñaha-ndo xii-dé: “Yá Ndiöxí ní taxi-gá chiun quide-n, te ío váha cada cuèndá-n càda-n nchaa nacuáa ní cachí-gá”, duha cúñaha-ndo xii-dé.

¹⁸ Te yúhú té Păblú ndihî ndaha mee-î tée-î ññ ũú tnúhu-a quide ndee iní ñáhà-í xii-ndo, te cunaha-ndo sã yúhú yíhî-í vecaá. Te Yá Ndiöxí ío na chîndee chitúu ñaha-gă xii-ndo. Te ducaⁿ na cûnduu. Te ío chí cádá ndèe iní-nă vitna.

Tnúhu ní cáháⁿ yă ndiöxí xito cùu uú
New Testament in Mixtec, Peñoles (MX:mil:Mixtec,
Peñoles)

copyright © 2002 Wycliffe Bible Translators, Inc.

Language: Mixtec, Peñoles

Translation by: Wycliffe Bible Translators, Inc.

Mixteco, Peñoles [mil], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Peñoles

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

872f7754-0986-5ecd-a059-925a708a6939